



## Protocol

### Radunanza cumünala dals 25.6.2014

Presidi: Peer-Puorger Victor  
Preschaint: 133  
S-chüsà: Robert Koch, Peder Caviezel  
Scrutinadurs: Georg Häfner, Armon Lingenhag  
Protocol: Luzzi-Barblan Georg

---

tractandas	tema	responsabel
5	011 Legislativa <b>Acconsentimaint protocol</b>	
6	942 Stabels da la facultà da finanzas <b>Cumprita dal areal a Quadra Secha</b>	
7	830 Turissem <b>Ledscha da taxas da cura e da promoziun da turissem</b>	
8	011 Legislativa <b>Uorden da vaschinadi</b>	
9	151 Implants da tir <b>Dret da fabrica "Uniun tir da chatscha Sclamischot"</b>	
10	011 Legislativa <b>Varia (radunanza cumünala)</b>	

011 Legislativa

## 5 **Acconsentimaint protocol**

Il protocol dals 06.05.2014 vegn approvà.

Il capo infuormescha cha las Ouvras Electricas han definitiv decis da fabricar „l'implant cumünaveil En“ (GKI). Prossmamaing seguarà quista comunicaziun illas medias.

Il'ultima radunanza avaiva sar Jon Häfner fat üna dumonda a regard la cumprita da pneus e felgas tras il cumün. Karl Nef, manader da la gruppa da lavur, piglia posiziun a regard quist cas.

942 Stabels da la facultà da finanzas

## 6 **Cumprita dal areal a Quadra Secha**

Noss capo, Victor Peer piglia detagliadamaing posiziun a regard l'intend da comprar l'areal da la ditta Imparisa Mario ScrL. La direcziun cumünala es gnüda contactada da sar Mario Laurent, ha fat divers sclerimaints e suottamiss la proposta da cumprita a la suprastanza cumünala. Cul acconsentimaint da la suprastanza cumünala es gnü suottascrit ün contrat da reservaziun. Sar Jon Clà Feuerstein (expert), ha stimà ils objects e la surfatscha. Quista stimà es statta la basa per definir il predscha da cumprita.

Il manader tecnic, Albin Paulmichl, infuormescha in fuorma d'üna preschentaziun tuot las localitats cun masüras, implü muossa'l eir diversas fotografias da l'areal. Sar Jon Clà Feuerstein, chi'd es eir preschaint a la radunanza declera detagliadamaing sco ch'el ha stimà tuot l'infrastructura el terrain. Davo quistas 2 preschentaziuns segua la preschentaziun dal contrat da cumprita, tras il capo. Avant sco dar liber la discussiun, piglian ils 2 commembers da la suprastanza, Armon Mayer e Men Notegen il pled e manzunan l'importanza our da la vista da lur decasteris.

Davart da las votantas e votants seguan diversas dumondas, cha'l capo e sar Jon Clà Feuerstein pon dar resposta. Tanter oter seguan eir votums chi argumenteschan üna cumprita.

Gian Marco Albertin giavüscha da vuschar quista cumprita per scrutin. 48 votantas e votants e cun quai daplü d'ün quart dals preschaints giavüschan la procedura da scrutin.

Resultat:	<b>preschaints</b>	<b>133</b> (vuschs valablas)
	<b>vuschs entradas</b>	<b>133</b>
	<b>vödas</b>	<b>3</b>
	<b>schi</b>	<b>73</b>
	<b>na</b>	<b>57</b>

Il capo ingrazcha a la radunanza per la fiduzcha demuossada vers la direcziun e la suprastanza cumünala.

830 Turissem

## 7 **Ledscha da taxas da cura e da promoziun da turissem**

Per quista tractanda da il capo il pled al manader administraziun. Georg Luzzi preschainta las correcturas chi ston gnir fattas davò cha la regenza GR ha controllà la ledscha. Las correcturas relevantas sun, cha la suprastanza cumünala nun es respunsabla quai chi's tratta l'applicaziun ed administraziun, la respunsabilità da pajamaint da las taxas, la controlla ed eir in cas da cuntrafaziuns, Quista respunsabilità es pro l'uffizi d'impostas cumünal.

Sco seguond punct relevant es la stipulaziun d'ün spazi il qual la suprastanza ha la pussibilità da's mouver cun decider l'otezza da las taxas. La radunanza fa bun, cun gronda majorità, las correcturas da la ledscha da taxas da cura e da promoziun da turissem.

011 Legislativa

## 8 **Uorden da vaschinadi**

Il capo repassa artichel per artichel il uorden da vaschins previs pel cumün da Valsot. Eir quia fa bun la radunanza cun gronda majorità il uorden da vaschins.

151 Implants da tir

## 9 **Dret da fabrica "Uniun tir da chatscha Sclamischot"**

Sco penultima tractanda segua il contrat da dret da fabrica cul „uniun da tir S-clamischot“. Il capo preschainta il contrat e muossa in fuorma d'ün fögl da situaziun, sco chi vegn a guardar oura il tir. La

radunanza da l'acconsentimaint cun gronda majorità e cun 1 cuntravusch. Quist contrat sto gnir fat bun eir da las 2 societats da chatscha. Quist la resalva da la radunanza.

011 Legislativa

10 **Varia (radunanza cumünala)**

L'alp Tea Suot nu vegn dovrada quist'on davart da la società d'agricultura Valsot, chi ha a fit quist object, infuormescha sar Steivan Martinelli. La società ha perquai decis da suotfittar per ün on (juli 14 – mai 15) quista chamonna. Interessents/as d'essan s'annunzchar pro'l cumün. La decisiun da la surdatta segua davò il temp d'inoltraziun da las offertas.

Causa cha quist object es gnü fittà a la surmanzunada società, ha decis la suprastanza cumünala da nö s'intermetter e decis ch'üna suotfittanza saja pussibla.

Il capo ingrazcha per la gronda cumparsa a quista radunanza e giavüscha a tuots preschaints amo üna bella saira.

7556 Ramosch, 08.07.2014

Il capo:

Il manader administraziun: